

彰德府志



16.26 卷24

章德府志目錄

卷首

上諭

聖製

舊序

銜名

凡例

圖說

卷一

天文

地理

卷二

山川

卷三

建置

卷四

古蹟

卷五

學校

書院

義學附

卷六

職官

考表

卷七

官蹟

卷八

官蹟

卷九

選舉

科第

薦辟

貢舉

武勲

封爵

卷十

武備

卷十一

田賦

地畝
起運
墾荒
驛站

科則
存留
耗羨
雜稅

正賦
雜貢
鹽引

人丁
漕糧

戶口
宗祿

卷十二

風土

風俗
物產

卷十三

人物

名臣

卷十四

人物

庶官

卷十五

人物

忠烈

卷十六

人物

孝友

卷十七

人物

儒林
文苑
行誼

卷十八

人物
義行
隱逸
技藝
流寓

卷十九

列女
賢母
賢婦
孝女
孝婦
烈女
烈婦
義女
義婦
完節
完婦

卷二十

完節
貞壽
貞女

列女

卷二十一

寺觀
仙釋附

卷二十二

藝文
制誥
奏疏
書啟

卷二十三

藝文

序 跋

卷二十四

藝文

碑記

卷二十五

藝文

碑記

卷二十六

藝文

碑記

卷二十七

藝文

論 贊 銘 議 考 說 傳
雜著 誌

卷二十八

藝文

詩

卷二十九

藝文

詩

卷三十

藝文

賦

卷三十一

禮祥

卷三十二

雜記

雜行

拾遺

雜錄

彰德府志卷二十四

碑記

韓陵山寺碑記

東魏 溫子昇

昔晉文尊周續宣於踐土齊桓伯世威著於召陵竝道冠
諸侯勲高天下衣裳會同之所兵革交合之處寂寞消沉
荒涼磨滅言談者空知其名遭遇者不識其地然則樹銅
表跡刊石紀功有道存焉可不尙歟永安之季數鍾百六
天災流行人倫交喪爾朱氏旣絕彼天綱斷茲地紐祿去
王室政出私門銅馬競馳金虎亂噬九嬰暴起十日竝出
破壁殞珪人物旣盡頭會箕斂杼軸其空大丞相渤海王
命世作宰唯幾成務標格千仞崖岸萬里運鼎阿於祿抱

納山岳於胸懷擁元雲以上騰負青天而高引鐘鼓嘈囋
上聞於天旌旗繽紛下盤於地壯士凜以爭先義夫憤而
競起兵接刃於斯塲車錯轂於此地轟轟隱隱若轉石之
墜高崖硤硤礚礚如激水之投深谷俄而霧卷雲除冰離
葉散靡旗蔽日亂轍滿野楚師之敗於柏舉新兵之退自
昆陽以此方之未可同日既考之沃壤建此精廬砥石礪
金瑩珠琢玉經始等於佛功制作同於造化息心是歸淨
行攸處神異畢臻靈仙總萃鳴玉鑾以來遊帶霓裳而至
止翔鳳紉以相歡飛龍宛而俱躍雖復高天銷於猛炭大
地淪於積水固以傳之不朽終亦記此無忘

北史

尉遲公廟碑記

唐
顏真卿

有周上柱國公河南尉遲弼字居羅代人也與魏同祖乃
肸嶽濱因部立家遂雄荒服父侯兒尙太祖姊昌樂大公
王贈太傅長樂郡公秉操中和率心純淑無命早世公一
歲而孤天授禮樂神資文武合乾元昴宿之祉得雲中金
陵之氣稟昌樂胎教之德聞昌樂庭訓之旨觀時俯仰與
道周旋大統初仕魏散騎侍郎歷大丞相帳內都督尙魏
金明公主封西都縣侯毫社未遷天人王饋虞賓載祀茅
土增封四年進爵爲公轉車騎將軍領侍中尙書僕射珮
倚兼璽劍橫重紱元戎載警端揆允釐十六年拜大將軍
時侯景詐梁蕭紀叛蜀委公以上國之甲靖偏方之盜假
公垂天之翼虞轂中之翰公於是承廟筭出銳師張我軍

三覆之勢雖敵人七擒之跡宵加庸蜀城守皆降詔公兼益梁等十八州諸軍事益州刺史公孝思不價色養有違公主春秋旣高西南境威襄允泊自家形國重荷溫清之詔飲至書勞仍頒袞冕之錫旌其伐也改寧蜀郡公中領軍綱弟因兄寵安國公順子策父勲豈獨長安置郊勞之禮成都刊德政之頌周之興也授小宗伯督隴右十二州后稷仕虞且尊君命伊尹去夏未虧臣節陶唐之美無易至公進公蜀國公邑萬戶總秦渭文康十四州軍事遷大司馬冊太師加上柱國師傅之地非賢不居軍國之重唯士是寄俄拜大右弼又拜大前疑將付安危授相州總管宣皇晏駕周鼎方移晉京上流非無陶侃魏庶舊吏尙

有王凌是年京師將徵公公以隋公當權辭不受代乃自
稱大總管承制署官司諸呂擅朝幾亡劉氏新都納女竟
覆漢宗公子魏安公沁東之敗也公綠巾尙整猶背城請
戰黃龍旣潰則登樓自裁公匪圖全誓將死難不憚征繕
以勸事君恒畢心而禦侮因見危而授命嗚呼壽在黃髮
位爲元輔生不敢齒歿有疑年史之闕文非古也公凡事
二代易九廟內設傅師歷職二十四外建伯侯撫封五十
六五增邑六徙封忠不辱隋節能奉上唯幼孫獲宥而門
子從事唐武德中朝制改葬飾終追舊國禮缺於曩日表
墓思人天澤流於異世開元丁丑歲上選建衆哲輯寧庶
邦相刺史張公嘉祐先相國河東恭肅公之介弟作時膏

兩爲廟瑚璉立朝則兼掌巡徼佐郡則預叅師律至於是
邦也教以肅政以清起忠貞之廟制享獻之祀初公之下
車問俗而郡稱多崇公曰匹夫匹婦強死者猶能爲厲況
蜀國公言足昭行可則大象之際獨爲純臣毀家紓國旣
書於直史菽藻潢汙未孚於前代二千石旣荷重祿闕修
殷薦其取戾也宜哉我是用發私藏之俸則崇宮壯構轉
他山之石則豐碑頌成陵谷不遷永載洪烈其辭曰天臨
有周誕赫元輔屏內藩外經文緯武憲若長城闕如虓虎
功縣日月聲蓋寰宇甥舅之國君親是輔統蜀制梁督隴
蒞茲天命假易姦臣不祇憑依女德陵蔑京師我圖匡救
三方奮糾絲巾始繫黃龍失守精貫天地義伏羣醜節著

城全死而不朽皇唐御歷景命有融賜緋改葬懋烈昭忠
鄴有賢守是爲張公馨香明德乃建闕宮乃建闕宮闕宮
有恤乃建豐碑豐碑有崩妖孽遂止幽明載已哉穀無虧
享祀不忒

見魯公本集

安陽縣令廳壁記

唐李華

令長之位詳於漢官土地之宜列於禹貢談者備矣而詞
人畧焉則此官之職守此境之風俗可知也國朝之有天
下淇漳之間於京師爲近守宰之寄於元元最親故授署
此官延至王庭曲蒙睿渥制令褒賜與內官同法清員往
往拜天寶以來東北隅節度位冠諸侯按數軍鉦鼓兼
本道連師以河北貢篋征稅半乎九州邊於山戎歲備勅

冠每置長吏朝廷特難之或操尙虧渝或中丞遷換或流
亡未復或委罪刑書繇是使臣慎簡其人密表陳請鍾恩
光於異土萃人物於東州不然何公方振羽青雲胡爲而
在此堂也公以德行文學爲人倫羨慕清操道藝隣於背
賢自登封主簿撫有茲邑以西門沉巫爲不仁仲康解綬
爲果斷約古中道爲今令圖下車無何休聞四塞他疆之
人父母之居尸祝之則境內之勸可以心見君子哉至若
由身立政謀近及遠邑人趨拜靜聞堂土之琴軍師往來
潛預幕中之畫所利者大豈惟安陽夫然則繁纓曲縣衷
甸四牡人所願也於公宜之記事者志盛德而旌善人今
特書公何尊王命其春秋之義歟天寶十載記

舊志

相州公宴堂記

程浩

公宴堂昭儉也高平王尙猶侈焉先是王師出征邊遽告
聳百戰俠骨委於溪澗九遷殤魂飛在草莽上聞而憐之
詔我薛公爲刑部尙書兼御史大夫保釐於東建節於鄴
也時兵不滿百馬惟數駟府微棲糧家僅餘堵公乃掃除
糝政濟活人命一年而牆宇興二年而耕稼盛日就月將
遂臻夫小康崇其宴堂者不得已而營也豈無燕慕尙爾
能可久豈無丹楹尙爾不愆素豈無錯石所慮轉他止豈
無貨材所重仍舊貫其始也經構侏儒廻移欒欂率取諸
大壯未暇於全模其終也巍然雲橫燦以星鋪禮行於九
賓並坐於千夫不設窗戶且防於壅闕不加剗剔且陋夫